

CONVENIO DE COLABORACIÓN ENTRE A DEPUTACIÓN DE PONTEVEDRA E A FEDERACIÓN GALEGA DE REMO PARA FINANCIAR OS GASTOS DERIVADOS DA ORGANIZACIÓN DO III CAMPIONATO PROVINCIAL DE BATEIS-PROVINCIA DE PONTEVEDRA, DA BANDEIRA DEPUTACIÓN DE PONTEVEDRA DE TRAIÑEIRAS E DAS ESCOLAS DEPORTIVAS PROVINCIAIS DE REMO O NOSO CLUB PARA O ANO 2026

En Pontevedra, na data da sinatura dixital,

REÚNENSE

Dunha parte, Luis López Diéguez, presidente da Deputación de Pontevedra, quen actúa en virtude das competencias que se lle atribúen no artigo 34.1.b da Lei 7/1985, de 2 de abril, reguladora das bases do réxime local.

Da outra, José Luis Méndez González, presidente da Federación Galega de Remo, en representación desta e no exercicio das facultades atribuídas para o efecto polos seus estatutos.

Dá fe do acto, por delegación de competencias mediante a Resolución presidencial núm. 2026002662, de 1 de abril de 2026, Beatriz del Cerro del Río, vicesecretaria da Deputación de Pontevedra.

Ambas as partes recoñécense con capacidade para formalizar este convenio e, conforme os principios de colaboración, cooperación, coordinación e eficacia que deben presidir as actuacións das administracións públicas,



EXPOÑEN QUE

Primeiro. Os convenios son acordos con efectos xurídicos adoptados polas administracións públicas, os organismos públicos e as entidades de dereito público vinculados ou dependentes ou as universidades públicas entre si ou con suxeitos de dereito privado para un fin común, tal e como se establece no artigo 47 da Lei 40/2015, de 1 de outubro, de réxime xurídico do sector público (LRXSP).

Segundo. No artigo 36.d da LRBRL dispónse que lles corresponderá ás deputacións a cooperación no fomento do desenvolvemento económico e social e na planificación no territorio provincial, de acordo coas competencias das demais administracións públicas neste ámbito. Así mesmo, no artigo 109.d da Lei 5/1997, de 22 de xullo, de Administración local de Galicia, establécese que serán competencias propias das deputacións provinciais as que baixo este concepto se lles atribúan nas leis e, en calquera caso, entre outras, o fomento e a administración dos intereses peculiares da provincia.

Terceiro. Segundo o artigo 7 da Lei 3/2012, de 2 de abril, do deporte de Galicia (LDG), e nos termos dispostos nesta lei, na lexislación de réxime local e na lexislación sectorial do Estado, as deputacións provinciais exercerán as seguintes competencias no seu correspondente ámbito territorial:

- Fomentar, promover e difundir o deporte.
- Colaborar cos municipios para garantir a prestación integral e adecuada de actividades deportivas e impulsar a xestión mancomunada destas.
- Calquera outra actuación que vaia en beneficio do desenvolvemento deportivo local, comarcal ou provincial.

Cuarto. No artigo 40 da LDG defínense tanto as entidades deportivas coma o obxecto primordial destas, que é o fomento e o impulso da práctica continuada dunha ou de varias modalidades deportivas, así como a participación en actividades e competicións deportivas calquera que sexa o seu nivel e persoa destinataria. Por outra banda, no artigo 29 desta mesma lei sinalase que as administracións deportivas de Galicia —no ámbito das súas respectivas



competencias e coa colaboración, no seu caso, doutras entidades e organizacións, públicas ou privadas— facilitarán alternativas e medios para a práctica da actividade física que leven a cabo as persoas físicas, individual ou colectivamente, co principal obxectivo de mellorar a condición física e a ocupación activa do tempo de lecer.

Quinto. No artigo 22.2 da Ordenanza xeral de subvencións da Deputación de Pontevedra dispónse que as subvencións poderán concederse de forma directa cando estean consignadas con carácter nominativo no orzamento.

O Pleno da Deputación de Pontevedra, na súa sesión ordinaria do 26 de decembro de 2025, acordou a aprobación definitiva do Orzamento xeral da Deputación para o exercicio de 2026. Así mesmo, o Pleno desta institución aprobou, na súa sesión ordinaria do 27 de febreiro de 2026, o expediente de modificación de crédito número 1/2026, publicado no *Boletín Oficial da Provincia de Pontevedra* (BOPPO) núm. 62 do 1 de abril de 2026, no que se inclúe unha subvención nominativa á Federación Galega de Remo (G15117385) por importe de cincuenta mil euros (50.000,00 €).

Sexto. Debe terse en conta que os actos de concesión de subvencións (acordo, resolución ou convenio) terán o carácter de bases reguladoras e incluírán, como mínimo, os puntos recollidos no artigo 15.6 da Ordenanza xeral de subvencións da Deputación de Pontevedra. Ademais, tamén debe recollese que a porcentaxe de desviación máxima dos diferentes conceptos da actividade subvencionada respecto ao orzamento inicial non será superior ao 20 %.

Sétimo. Na base 25.7 das de execución do Orzamento para o ano 2026 establécese que o pago das subvencións concedidas para financiar as escolas deportivas da Deputación se poderá aboar ao principio de cada un dos dous períodos anuais, anticipando ata o 100 % do importe correspondente a cada un deles. O importe correspondente a cada período calcularase dividindo a contía total da subvención entre o número de meses dos dous períodos, e logo multiplícalo polo número de meses de cada período. Non se poderá anticipar o pago dun período se está pendente de xustificar algún dos anteriores.

Oitavo. O Servizo de Deportes, como órgano instrutor, emitiu un informe no que se acredita que o expediente de petición de subvención reúne os requisitos recollidos na Lei 38/2003, de 17 de novembro, xeral de subvencións (LXS), así como o establecido na Ordenanza xeral de



subvencións da Deputación de Pontevedra, e a Intervención informa favorablemente a fiscalización previa á concesión da subvención.

Noveno. Para que as dúas entidades poidan cumprir cos seus fins e obxectivos e así garantir que a poboación da provincia de Pontevedra poida acceder en igualdade ao principal obxectivo de mellorar a condición física ou a ocupación activa do tempo de ocio,

ACORDAN

Formalizar o convenio de colaboración entre a Deputación de Pontevedra e a Federación Galega de Remo, para financiar os gastos derivados da organización do III Campionato Provincial de Bateis-Provincia de Pontevedra, da Bandeira Deputación de Pontevedra de Traiñeiras e das escolas deportivas provinciais de remo O Noso Club (en diante aparecerá denominado como "convenio"), o cal estará suxeito ás seguintes

CLÁUSULAS

Primeira. Obxecto do convenio

Este convenio ten por obxecto regular a concesión da subvención prevista nominativamente no Orzamento de 2026 da Deputación de Pontevedra á Federación Galega de Remo.

A finalidade deste convenio é colaborar co financiamento dos gastos derivados da organización do III Campionato Provincial de Bateis-Provincia de Pontevedra, da Bandeira Deputación de Pontevedra de Traiñeiras e das escolas deportivas provinciais de remo O Noso Club, que se levarán a cabo entre o 1 de xaneiro e o 31 de decembro de 2026.

Segunda. Obrigas da Deputación de Pontevedra

O organismo provincial comprométese a:

- Aprobar e comprometer o gasto da subvención prevista nominativamente no Orzamento de 2026 da Deputación de Pontevedra a favor da Federación Galega de Remo (G15117385)



e aboar o importe solicitado de 50.000,00 €, condicionado ao cumprimento dos termos establecidos neste convenio.

- Tramitar, resolver e notificar o convenio nos termos establecidos nel.

Terceira. Obrigas da Federación Galega de Remo

A Federación Galega de Remo comprométese a:

- Cumprir o obxectivo, executar o proxecto, realizar a actividade ou adoptar o comportamento que fundamenta a concesión das subvencións.
- Realizar a actividade conforme a normativa vixente.
- Achegar a documentación informativa que se requira para a súa publicación na páxina web da Deputación de Pontevedra.
- Asumir todas as responsabilidades que se puidesen derivar da realización e organización das actividades.
- Achegar a normativa coas medidas de seguridade e funcionamento que rexerá durante todo o desenvolvemento da actividade, asegurándose que todas as persoas participantes nas escolas deportivas da Deputación de Pontevedra a coñecen.
- Requirirlles, tal e como se sinala no artigo 57 da Lei orgánica 8/2021, de 4 de xuño, de protección integral á infancia e a adolescencia fronte á violencia, aos monitores e demais persoas en contacto cos menores un certificado conforme non foron condenados por sentenza firme por calquera delito contra a liberdade e indemnidade sexuais mediante a achega dunha certificación negativa do Rexistro central de delincuentes sexuais.
- Tramitar e xestionar todos os permisos e autorizacións necesarias para a organización e realización das escolas deportivas.
- Contratar e subscribir os seguros necesarios para a realización das escolas deportivas provinciais de remo O Noso Club de conformidade coa normativa vixente, polo que, coa súa contratación, eximirá a Deputación de Pontevedra de toda responsabilidade fronte a terceiras persoas e participantes.
- Cumprir todos os requisitos de seguridade esixidos na normativa vixente para a realización das escolas deportivas provinciais de remo O Noso Club e acreditar o seu cumprimento coa correspondente certificación.



- Xustificar ante o órgano concedente ou a entidade colaboradora, no seu caso, que se cumpren os requisitos e condicións, así como a realización da actividade e a finalidade que determinen a concesión ou goce da subvención.
- Estar ao corrente das obrigas tributarias coa Axencia Estatal de Administración Tributaria (AEAT), coa Axencia Tributaria de Galicia (ATRIGA), coa Seguridade Social e coa Deputación de Pontevedra, e non ter obrigas ou incumprimentos pendentes, de calquera tipo e non só económicos, coa institución provincial.
- Someterse ás actuacións de comprobación do órgano concedente ou da entidade colaboradora, no seu caso, así como calquera outras de comprobación e control financeiro que poidan realizar os órganos de control competentes, tanto nacionais coma comunitarios, e achegar canta información se lle requira no exercicio das actuacións anteriores.
- Comunicarlle ao órgano concedente ou á entidade colaboradora a obtención doutras subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza e, en todo caso, antes da xustificación da aplicación dada aos fondos percibidos.
- Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario en cada caso, así como cantos estados contables e rexistros específicos se lles esixan nas bases reguladoras das subvencións, coa finalidade de garantir o adecuado exercicio das facultades de comprobación e control.
- Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.
- Cumprir co disposto no artigo 43 da LDG deberá levar os libros contables susceptibles de xustificar a exactitude dos resultados das operacións económicas realizadas e que reflectan a imaxe fiel da súa actividade económica.
- Cumprir cos demais supostos previstos nesta convenio ou calquera outra obriga prevista no artigo 14 da LXS.



Cuarta. Crédito orzamentario, orzamento, contía e coeficiente de financiamento

A concesión da subvención imputarase con cargo á aplicación orzamentaria 26/340.3410.489.02.

O importe da subvención ten unha contía de 50.000,00 €, o que supón un coeficiente de financiamento do 100 % sobre o orzamento detallado do proxecto obxecto da subvención presentado pola entidade polo importe mencionado e co código seguro de verificación (CSV) MCMG8ASDXOGRPVOG.

Orzamento	Subvención concedida	Coeficiente de financiamento
50.000,00 €	50.000,00 €	100 %

Quinta. Compatibilidade e incompatibilidade

A subvención será compatible con outras subvencións, axudas, ingresos ou recursos para a mesma finalidade, procedentes de calquera outra Administración ou ente público ou privado. Conforme o disposto no artigo 19.3 da LXS e no 17.3 da Lei 9/2007, do 13 de xuño, de subvencións de Galicia (LSG), "o importe das subvencións en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada".

Esta axuda será incompatible con calquera subvención para a mesma persoa beneficiaria e a mesma finalidade, con cargo a créditos desta Deputación e os seus organismos dependentes.

Sexta. Notificación electrónica

As notificacións de resolucións e actos administrativos practicaranse só por medios electrónicos, nos termos previstos na normativa reguladora do procedemento administrativo común.

Sétima. Anticipo

A entidade beneficiaria poderá solicitar pagos anticipados para levar a cabo a posta en marcha e a execución das escolas provinciais de remo O Noso Club. Estes pagos serán da metade da



subvención concedida e para poder realizar a solicitude do segundo e anticipo o primeiro debe estar correctamente xustificado, nos termos establecidos na LXS e na Ordenanza xeral de subvencións da Deputación de Pontevedra.

Oitava. Procedemento de xustificación e pago

A entidade beneficiaria da subvención deberán xustificar o cumprimento da finalidade para a que se lle concedeu a subvención. O prazo de presentación das xustificacións finalizará o 28 de febreiro de 2027.

As entidades beneficiarias deberán presentar a xustificación obrigatoriamente por medios electrónicos a través do modelo "2887054 Trámites administrativos xenéricos distintos da solicitude", dispoñible en <https://sede.depo.gal>.

Para a xustificación, as entidades beneficiarias deberán presentar a seguinte documentación para cada unha das actividades financiadas:

- **Anexo II. Conta xustificativa de gastos e ingresos**

Na xustificación de gastos, relacionaranse no anexo II os conceptos de gastos presentados coa solicitude por un importe igual ou superior ao orzamento presentado.

- En caso de que se xustifiquen gastos inferiores ao orzamento presentado coa solicitude, aboarase a parte proporcional da subvención.
- En caso de necesitar relacionar máis gastos utilizarase o documento de continuación da conta xustificativa (anexo III).

Na xustificación de ingresos, relacionaranse as axudas concedidas por outros organismos públicos para a finalidade subvencionada e declararase que o importe das subvencións concedidas por outros organismos públicos e os fondos propios ou privados para a actividade ou investimento subvencionado non superaron o importe total dos gastos para a dita actividade. En caso de haber superávit, será motivo de reintegro, co límite da subvención concedida pola Deputación de Pontevedra.

- **Facturas ou documentos análogos** con valor probatorio no ámbito mercantil e administrativo polo importe da subvención concedida.



- **Memoria descriptiva**, segundo o modelo establecido, na que se detallen as actividades que se levaron a cabo.

Outras normas que se deben ter en conta na xustificación:

- Os gastos presentados na conta xustificativa deben estar pagados ás súas respectivas proveedoras e provedores antes de presentar a xustificación da subvención. En caso de que o club non dispoña de fondos nese momento, terá un prazo máximo dun (1) mes desde que perciba a subvención para efectuar eses pagos. Se posteriormente, mediante control financeiro, se comprobase que algún dos gastos non se pagou ou se fixo fóra de prazo, este deixará de ser subvencionable.
- As entidades beneficiarias das subvencións provinciais deben empregar, con carácter xeral, formas de pagamento a terceiras persoas que poidan acreditarse mediante un documento expedido por unha entidade financeira no que queden identificados a ou o beneficiario, o importe e a data de pago (tarxetas bancarias de crédito ou débito, talóns nominativos, transferencias bancarias etc.), e só excepcionalmente poderá empregarse o pago en metálico cando non sexa posible outra forma alternativa. O incumprimento desta disposición para algún gasto que supere o importe de novecentos euros (900 €) implicará que este se considere non subvencionable.
- En caso de entidades que non teñan contabilidade, os gastos que non se paguen mediante unha entidade financeira non se considerarán subvencionables.
- Unha vez vencido o prazo de xustificación sinalado nestas bases ou, no seu caso, o establecido na prórroga sen que a entidade beneficiaria presente a documentación xustificativa, o Servizo de Deportes requirirá que o faga no prazo improrrogable de quince (15) días. O feito de non presentar a documentación neste prazo supoñerá o inicio de expediente de perda do dereito ao cobro da subvención e as demais responsabilidades previstas na LXS.
- O pago da subvención efectuarase unha vez aprobada a xustificación. Este realizarase mediante transferencia bancaria á conta indicada na solicitude.
- En caso de non solicitar o anticipo, poderase realizar un pago á conta á entidade beneficiaria unha vez realizada a xustificación parcial correspondente á parte proporcional do primeiro período da actividade da subvención concedida ou, unha vez



aprobada a xustificación total, mediante transferencia bancaria á conta indicada pola entidade.

- Para cobrar a subvención, a entidade beneficiaria deberá estar ao corrente das súas obrigas tributarias coa AEAT, coa ATRIGA, coa Seguridade Social e coa Deputación de Pontevedra.

Novena. Entrada en vigor e vixencia do convenio

O convenio entrará en vigor no momento da súa sinatura e terá unha vixencia ata o 31 de decembro de 2026, data na que rematan as actividades. En calquera caso os efectos económicos do convenio estarán vixentes ata a aprobación do procedemento de xustificación da subvención e do control financeiro.

Décima. Extinción e efectos da resolución dos convenios

Este acordo resolverase polas causas e cos efectos establecidos nos artigos 51 e 52 da LRXSP. En particular resolverase polo incumprimento, total ou parcial, dalgunha das cláusulas que o regulan.

Décimo primeira. Reintegro ou perda do dereito ao cobro da subvención

As subvencións concedidas deberán reintegrarse cando as causas sexan posteriores ao pagamento destas.

Perderase o dereito ao cobro da subvención, total ou parcial, no suposto de falta de xustificación ou de concorrencia dalgunha das causas previstas na lexislación de subvencións e, en concreto, nos seguintes supostos:

- Por incumprir as obrigas establecidas con motivo da concesión da subvención.
- Por incumprir a obriga de presentar a xustificación nos termos establecidos.
- Polas demais causas establecidas na normativa de subvencións.

Décimo segunda. Control financeiro

A entidade beneficiaria, de acordo co establecido nos apartados 5 e 6 do artigo 31 da Ordenanza xeral de subvencións da Deputación, publicada no BOPPO núm. 249, de 30 de decembro de



2016, estará suxeito ao control financeiro que se poida exercitar no prazo de catro anos, contados a partir do pago da subvención, e indicáraselle que, en caso de non ter contabilidade fiable, só serán subvencionables os gastos que se poidan acreditar mediante extractos bancarios, independentemente do importe destes.

O control financeiro fará referencia á totalidade de gastos e ingresos da actividade subvencionada, que deberá integrar todos os gastos finais resultantes dos gastos subvencionables do anexo II presentado coa solicitude, así como o resto de gastos que a entidade estime imputables á tempada (dos posibles gastos que non se reflicten no anexo II).

Esta contabilidade deberá estar reflectida nos libros contables co total de gastos e de ingresos; en caso de ser positiva, a entidade deberá reintegrar o importe resultante, conforme a lexislación vixente, na que se indica que o importe das subvencións en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada.

Décimo terceira. Protección de datos

Os datos persoais obtidos neste procedemento serán obxecto de tratamento pola Deputación de Pontevedra, en calidade de órgano responsable, coa finalidade de xestionar este procedemento, verificar os datos e os documentos que a persoa interesada declare na súa solicitude para comprobar a súa exactitude e levar a cabo todas as actuacións administrativas que, no seu caso, deriven.

A lexitimación para o tratamento baséase no cumprimento dunha tarefa en interese público ou no exercicio de poderes públicos segundo as normas de rango legal recollidas no apartado "Normativa aplicable", dispoñible na ficha de procedemento en <https://sede.depo.gal>.

Os datos persoais obtidos neste procedemento serán obxecto de comunicación ás administracións públicas no exercicio das súas propias competencias ou cando sexa necesario para que a cidadanía poida acceder de forma integral á información relativa a unha materia e ao público xeral dada a publicación de actos prevista.



As persoas interesadas poderán acceder, rectificar e suprimir os seus datos, así como exercer outros dereitos ou revogar o consentimento segundo o previsto en <https://depo.gal/proteccion-de-datos/exercicio-de-dereitos>.

Décimo cuarta. Rexistro de convenios e remisión ao Consello de Contas

Seguirase o apartado 7 da Resolución presidencial de aprobación da instrución para tramitar os convenios, no que se dispón que todos os convenios formalizados pola Deputación se inscribirán nun rexistro de convenios, dependente da Secretaría Xeral, accesible na plataforma de xestión de expedientes da Deputación.

Correspóndelle á Unidade Responsable de Transparencia cumprir os requirimentos sobre publicidade activa de convenios de colaboración que establece o Regulamento de transparencia e acceso á información da Deputación de Pontevedra.

Correspóndelle á Intervención provincial, a partir dos datos do rexistro de convenios, a remisión electrónica destes ao Consello de Contas, de acordo co procedemento establecido na Resolución presidencial 2017008767, de 3 de maio de 2017, e no artigo 53 da LRXSP.

Décimo quinta. Réxime xurídico e lexislación aplicable

Este convenio ten natureza administrativa e rexerese polo disposto no capítulo VI do título preliminar da LRXSP.

Para resolver cantas dúbidas ou lagoas puidesen producirse na interpretación, execución, efectos, modificación e resolución do acordo, aplicárase o disposto no propio acordo, e na súa falta, aplicárase a LRXSP, a LSG, a LXS, a Ordenanza xeral de subvencións da Deputación de Pontevedra e as Bases de execución do Orzamento da Deputación de Pontevedra para o exercicio 2026, a Lei 7/1985, de 2 de abril, reguladora das bases do réxime local, a Lei 39/2022, de 30 de decembro, do deporte, e a LDG.

As partes comprométense a tentar resolver de maneira amigable calquera desacordo que puidese xurdir no desenvolvemento, interpretación, cumprimento, extinción e efectos do presente acordo a través da Comisión de seguimento establecida na cláusula sétima. En caso de non ser posible unha solución amigable e resultar procedente litixio xudicial, a xurisdición competente para coñecer e resolver as devanditas cuestións será a xurisdición contencioso-



administrativa, de conformidade coa Lei 29/1998, de 13 de xullo, reguladora da xurisdición contencioso-administrativa.

En proba de conformidade, as asina dixitalmente este convenio.



Pode verificar a integridade deste documento
no enderezo: <https://sede.depo.gal>

Código seguro de verificación (CSV):FGSUEN2FZY8TKIOA